



## Universitätsbibliothek Paderborn

**Joannis Ludovici Schönleben, Carnioli Labacensis, SS.  
Theologiae Doctoris, Protonotarij Apostolici,  
Archi-Diaconi Carnioliae Inferioris. Horae Subsecivae  
Dominicales. Sive Discursus Sacri De Tempore ...**

Cum quadruplici Indice I. Discursuum. II. Locorum Sacrae Scripturae. III.  
Rerum & Verborum. IV. Historiarum & Mythologiarum

Pars Hyemalis Et Verna Ab Adventu Ad Pentecosten. - Insertis aliquot  
Allocutionibus Academicis

**Schönleben, Johann Ludwig**

**Salisburgi, 1676**

Allocutio III. Synodalis ad Clerum. Sacerdos Crucifixus. Thema. Fides  
vestra non sit in sapientia hominum, sed in virtute Dei. 1. Cor. 2.

[urn:nbn:de:hbz:466:1-47077](https://nbn-resolving.de/urn:nbn:de:hbz:466:1-47077)

# ALLOCUTIO III. SYNODALIS

*Ad Clerum*

## SACERDOS CRUCIFIXUS.

*THEMA.*

Fides vestra non sit in sapientia hominum, sed in virtute Dei. *1. Cor. 2.*



Enerabilis hic, & sua dignissimus reverentia confessus vester Sacrorum præses, quem ad auspicanda annua Comitia præsentem venerabundus (ut par est) contemplor, & alioqui jubeor, non minori me perfundit lætitia, quam percellat timore. Dicendum mihi est ad viros variâ scientiarum Encyclopædia instructos, idq; modicum quod in me est ingenij aut doctrinæ, liberiori exponendum censuræ, hoc fateor nonnihil in me excitat timoris ac solicitudinis : sed dicendum etiam est ad eos, qui fructum spectant non florem, medullam non corticem, nucleos non pulamina, succum non fucum, substantiam non accidentia ; hoc me iterum recreat & animat, ut impositi huius munera tabulas obsignare non dubitem Consulibus Placido & Velleio. Nihil

hil proinde opus est per ambages metaphoricas, per operosos figurarum anfractus miscere verba, vestire sensus, involvere sententias, ex quibus veritas tanquam Minotaurus ē Labyrinthis flexibus laboriosius quam utilius extrahatur. Veritas semper nuda est, incompta est: mendacia calamistris inusta crispantur, fucos amant & gyros, ut non agnoscatur, cincinnos volunt ut irretient, incrustari debent ut placeant. Veritas nativā suā contenta pulchritudine facilē inter probas mentes sui nanciscitur amatores. Candida est sine cerussa, libera sine vinculis, sincera sine additamentis. Candidè igitur, liberè sincerè dicam, & erit cum Apostolo sermo meus *non in persuasilibus humanae sapientiae verbis, sed in ostensione spiritus & virtutis, ut fides vestra non sit in sapientia hominum, sed in virtute Dei.*

Princeps Philosophorum Aristoteles virtutis naturam definiens ad Sapientes nos alegat. *Est virtus ratione sic definita, ut sapiens præscriperit.* Sed amabo te virorum sapientissime, palam ediffere, quis ille sapiens? qua ex gente, qua disciplina? Et si tu sapiens esse vis, cur munus eius tergiversaris præscribere? Habent jam olim suos sapientes suae nationes: suos Legislatores suae urbes; suos morum Magistros sui Reges. Baetriani Zoroastrem legum conditorem. Scythæ Zamolxidem, Athenienses Solonem, Lacædæmones Lycurgum, Ægyptij Cecropem, Lydi Cleobulum. Sed qui Lycurgus virtutis normam præscriperit, cui violentæ aggressiones & homicidia Reipublicæ probantur utilia? Quid Zamolxis, cuius lege marito mortuo viva uxor conseptiebatur? Quid Cleobulus apud quem Oeconomica fuit industria, ut Virgines dotem futuri connubii vago cor-

*Arist. 2.  
Ethic. c. 6.  
E lib. 1.  
Mag.  
Mor. c. 24.*

poris quæstū conquererent? Quid Cecrops, qui virtutem putat rapinas & furta? Heu propudia! Ita sapere, despere est. Num & septem illos Græcæ sapientes commemorem, quorum in id unice tendebant studia, ut dicto aliquo insolenti nomen sibi sapientiae compararent. Unus Archytas Pythagoræus sapienter de sapientia videtur sanxisse, cum diceret: *Apello sapientiam cognitionem Numinis rerumq; divinorum, ac prudentiam humanarum rerum, & earum quæ vitam spectant.* Ita ferè decernebat etiam Magnus Augustinus, ait quippe: *Sapientia est in contemplatione æternorum: scientia verò in occupatione temporalium.* Amplectior sancti Doctoris sensum. Sed diffusius hæc enuntiantem Laetantium Firmianum audio: *Omnis sapientia hominis in hoc uno est, ut Deum cognoscat & colat. Hoc nostrum dogma, hæc summa est. Quanta itaque voce possum testificor, clamo, denuntio. Hoc est illud quod Philosophi omnes in tota sua vita quæsierunt, nec unquam tamen investigare, comprehendere, tenere valuerunt; quia Religionem aut pravam retinuerunt, aut totam penitus sustulerunt. Qui vult ergo sapiens ac beatus esse audiat Dei vocem, discat justitiam, sacramentum navigationis sue noscat, humana contemnat, divina suscipiat, ut summum illud bonum ad quod natus est possit adipisci.*

Hoc illud est quod monet Apostolus cum suos Corinthios ab humanæ sapientiæ inquisitione conatur abstrahere, ut divinam tanto alacrius sectarentur. *Fides vestra non sit in sapientia hominum sed in virtute Dei.* Ego sanè ita existimo, longè optabilius esse omni quidem Christiano, sed præsertim Sacerdotibus, ad quos mihi sermo est, cñm Paulo despere, quam cum Lycurgo, Zamolxide, Cleobulo, Cecrope, sapere. *Sapientia enim huius mundi stultitia est apud Deum. Quoniam & Iudei signa*

pe-

*Scob. ser.  
de virt.*

*S. Aug. in  
Ep. ad  
Cor. c.  
12.*

*Laet. Fir-  
mia. div.  
Instit. lib.  
3. c. 30.*

*1. Cor. 3.*

petunt, & Græci sapientiam querunt, nos autem prædicamus Christum Crucifixum. Hæc igitur vera est sapientia. Nullus Apelles sapientis etypon melius delineaverit, nullus Protogenes elegantiore penicillo sapientis Sacerdotis normam expresserit. Quid ita? num Christus Sacerdotis norma, etypon, exemplar, & hic Crucifixus? Ita prorsus: illius unius penicillo & digito delineatus, qui unus est in tribus, cum formaret Sacerdotem in æternum secundum ordinem Melchisedech. Memini in sacris literis Joachim appellari Sacerdotem Domini magnum: magnum (ut conjecturant Interpretes) & potentiae amplitudine, & gloria potestatis, & commendatione virtutis. Neq; enim magnum credidero, qui deductum nomen habet à trabeis, à purpuris, à triumphis; qui recolit exesam senio nobilitatem, qui opibus fulget, qui affinitate Procerum, qui meritis secularibus, qui negotiatrice munorum largitione sumptuosus incedit: sed is mihi verè magnus est, quem vitæ probitas, morum integritas, rerum experientia, scientiarum eruditio, sanctimoniae laus commendat, qui jure possit dicere: *Christo confixus sum Cruci. Adeste jam* (verbis utor Nazianzeni oratione pro Basilio) *adeste jam omnis Basili chorus, tam qui sacrarium estis, quam qui inferioris ordinis.* Auditis quos sacrarij nuncupatione compellet? Sacerdotes sanè, qui Chorum Basili chorus constituebant. In Ecclesiarum sacrarijs piè adservari, & religiosè coli solent sanctorum reliquiae, Martyrum lipsana, Confessorum exuviae: Sacerdos ergo sit sacrarium Dei, in quo populus veneretur Apostolorum successorem, Martyrum affeclam, idæam Christi, qui cum Paulo dicat *Christo confixus sum Cruci.* Sacerdos sit

Judith. 15.

Iii 2

lipsa-

lipsanotheca in qua prædicet fidelium corona virginum integritatem, Confessorum jejunia, Doctorum sapientiam, Prophetarum oracula, Patriarcharum Zelum, Angelorum in protectione animarum fidelitatem.

Tertull.  
c. 7. Apo-  
loget.

Naz.orat.  
de S. Ba-  
sil.

Anton.  
Abb. in  
Meliss.  
ser. 3.

Sever. in  
vita. S.  
Martin.

Tiberius Orbis Monarcha Saturni Sacerdotes, aut potius sacrificulos *votivis crucibus exposuit*, ut loquitur Tertullianus. Magnus Dei veri Sacerdos piè æmulatus est hanc impietatem Tiberij, ne defesset Christiano Sacerdoti, quod in pagano adorabatur: sic enim pronuntiat de Basilio Nazianzenus: *Atq; ipsum quidem Basilium vidit Imperator, ante populum recto corpore stantem, nec corpore, nec oculis, nec animo ullam in partem se moventem, sed Deo utita dicam & altari ADFIXUM.* Ecce tibi Sacerdotem Deo & altari velut *Cruci adfixum*, votivæ Crucis expositum, Ecclesiæ sacrarium; planè dignum quem veneratur summus Principum, cui omnes omnis status & sexus prono corpore acclives fiant. Nec immerito, siquidem ut aiebat Antonius Abbas: *Tanto est superius regno Sacerdotium, quantum est inter Spiritum & carnem intervallum.* Quid rogo abiectius? quid vilius carne? quid sublimius, quid augustius Spiritu? tantum nihilominus antecellit Sacerdotalis auctoritas Regiam dignitatem, quantum Spiritus carnem. Id sane luculento comprobat testimonio Severus Bituricensis in vita S. Martini, quem cum Maximus Imperator adhibuisset convivio, & pocillator de more pateram Imperatori dedisset, ille Magno Sacerdoti Martino prius porrigi mandavit, exceptans atq; ambiens (verba sunt Severi) ut ab illius dextera poculum sumeret; sed Martinus ubi ebibit, patrem Presbytero suo tradidit; nullum scilicet existimans digni-

digniorem, qui p̄nſt ſe biberet ; nec integrum ſibi fore, ſi non Regi ipſi Presbyterum prætuliffet. Quod factum Imperator, omnesq; qui tunc aderant ita admirati ſunt, ut hoc ipsum eis, in quo contempti fuerant, placet. Nimirum ſecundus eſſe à Sacerdote Turanensi vel ipſe Maximus Imperator ambiiffē dicitur : & ſpe ſuā fruſtratus in lucro repoſuit , proximum à Presbytero ſimplici tenere locum. Legimus iſta , audimus iſta ! & miramur etiamnum cum ſapientibus huius ſeculi , alios horum temporum mores , alias ambitiones , & vilipendi ſæpè numerò Regale Sacerdotium ingemifcimus ? Quin ſentit forte unuſ aliquis cum Puteano , quod *Alios annos alij mores* decent : alij anni alios mores docent. Fruſtra inclamamus. O tempora ! ô mores ! Non eſt hæc culpa eorum qui nos contemnunt ; culpa noſtra eſt , qui contemni meremur. Nondum vidimus , aut ſanè quam rariſſimos tam pietatis obliſtos Cæſares , Reges , Principes , Magnates , quos quidem Spiritus in unitate fidei congregavit , & recuſarent debitam Christo Cruci affixo reverentiam. Huic à ſummiſ pariter , & imis ( ut ut depravata ſint cum moribus tempora ) in compitijs , in vijs publicis , in templis , in privatis domicilijs , nudantur capita , fleſtuntur poplites , curvantur corpora : ſed - - - Qnod egerunt maiores noſtri hoc agunt posteri , adorant Christum , & hunc **Crucifixum** : ſed - - - Idem nunc eſt cursus ſiderum qui olim fuit , eadem hominum ingenia , & ad pietatem forte procliviora quam olim ; ſed - - -

- - - Quid ſed ? Erumpere tandem justi doloris testis , ſed vera vox. Deſunt hodie mundo Basilij , deſunt Martini , deſunt Pauli , qui citra falſi periculum poſſint dicere : *Christo confixus sum cruci.*

videat mundus hodie in Sacerdotibus genuinam Christi effigiem, videat Basilios, recto corpore stantes, nec artubus nec oculis ullam in partem se moventes, sed Deo & altari adfixos: videat nos virtutum sacraria, lipsanothecas innocentiae, sectatores bonorum operum, imitatores Sanctorum; ambient ipsi etiam Principes postponi Presbiteris. *Sit fides nostra non in sapientia hominum, sed in virtute Dei.* Humañæ sapientiae inventa sunt avara negotiatrix cupiditas turpis lucri quaestus, honorum ambitione, onerum fuga, major scyphorum in tabernis, quam calicum in Ecclesijs cura. Ah quam multis hoc seculo potior cura est crumenarum quam animarum; quibus sublimior Ecclesiæ honor species videtur honesti lucri, & artificium opulentæ negotiationis, qui sacerdotia appetunt non ut sacrificient, sed ut lucrificant. Hos ego saccorum non sacrorum Præsides appellavero. Quam multi dum operantur ad aras de cruce cogitant, sed facienda inter impuros amplexus: de calice recordantur, sed quem pridie centies ad ractum usque desiccarunt: hos ego ad horas non ad aras amandavero. Quia multi ut accessum habeant ad magnatum oppiparas mensas, & de aliena quadra abdomen farciant, omnis honestatis obliti aulicos assentatores imò scurras agunt, & curas animarum negligunt: plus solliciti de fabulis anilibus colligendis, quibus risum convivis excitent, quam de sacris historijs quibus in templis auditores ad pietatem moveant. Nec jam stulti haberí vel dici recusant, illud Paulini usurpantes: *Nos stulti propter Christum*, cum sint stulti propter Diabolum, quem fortè saepius in ore habent quam Christum. Heu propudiosa monstra eiusmodi Cle-

ri-

ricorum dignorum secunda & tertia tonsura ; qui cum maximè sapient quæ in culinis sapiunt , Deo desipiunt. At Fides vestra non in sapientia hominum ( venerabiles Sacerdotes ) sed in virtute Dei. Virtus Dei solis genium habet , quem scimus constitutum diei Præsidem , quia scilicet diem aureæ lucis opulentia ditat , nec vice versa ditatur. Tota eius Oeconomiæ utilitas est præesse , & lucere. Sic tota Sacerdotis occupatio esse debet , prodesse alijs. Hipponeñsis Præf禄 ad illa Salvatoris verba : *Si mon diligis me, Pasce oves meas. Quid est aliud (inquit) si diligis me pasce oves meas, quam si diceretur, si me diligis non te pascere cogita, sed oves meas : gloriam meam in eis quære, non tuam : lucra mea non tua.* Mellifluus item Bernardus Eugenium Papam libero calamo admonens à nimia rerum temporalium solicitudine avocabat : *Ipsa quæ non animi bona spectant, nec bona sunt, nec mala : usus tantum eorum bonus, abusio mala, solicitudo peior quæstus turpior. Ergo ut alia quacunq; ratione hæc tibi vendices. sed non Apostolico jure. Neq; enim Petrus tibi dare quod uon habuit potuit : quod habuit hoc dedit, solicitudinem super Ecclesiam. Agnosce hæreditatem tuam in CHRISTI CRUCE, in laboribus.* Hæc Bernardus, quasi optaret omnes Sacerdotio initiatos Christo configi Cruci , & fieri animatos Crucifixos , quos omnis fidelium coetus revereatur, non minus quam Crucifixi imagines, & quos fugiant maligni Spiritus. Talem optabat Paulus suum Titum in Epistola ad eundem : *Non superbum, non iracundum; non vinolentum, non percussorem, non turpis lucri cupidum; sed hospitalem, benignum, sobrium, iustum, Sanctum, continentem.* Cui præterea hæc dabat præcepta : *Iu omnibus te ipsum præbe exemplum bonorum*

*S. Bern.  
de Confid.  
lib. 2.*

*ad Tit. 1.*

*ad Tit. 2*

*rum*

rum operum, in doctrina, in integritate, in gravitate,  
 verbum sanum irreprehensibile : ut is qui ex adverso est  
 vereatur, nihil habens malum dicere de nobis. Totus  
 mundus nobis ex adverso est, omnium oculi in nos  
 intenti sunt ; positi sumus super candelabra Eccle-  
 siæ, quid differimus à tenebris, si non prælucemus.  
 Ille verò potissimum nobis ex adverso est, contra  
 quem nos vigilare jubet Apostolus : *Fratres sobrij  
 estote, & vigilate, quia adversarius vester Diabolus  
 circuit querens quem devoret.* Spiritus est, & tamen  
 vorat : querit quem devoret : magnum os habet  
 hiantes inferni fauces : sed eis nocere non potest,  
 qui spiritu ambulant, & desideria carnis non perficiunt.  
 Canis est, latrare potest, mordere non potest,  
 nisi volentem. Sic ergo vivamus ut nos revere-  
 tur, & fugiat sicut Imagines Crucifixi. Deniq; in o-  
 mnibus exhibeamus nosmetipsos sicut Dei mini-  
 stros in multa patientia, in tribulationibus, in ne-  
 cessitatibus, in angustijs. Et verbo ut absolvam, si-  
 mus & dicamus cum Paulo : *Christo confixus sum  
 Cruci.* Sic quippe Fides nostra non erit in  
 sapientia hominum sed in virtute  
 Dei. Dixi.

DEO TRINO & UNO,

&

*Dei Genitrici Conceptæ fine macula  
 Honor & gloria.*

F I N I S.

IN-